



Sindikata radnika trgovine i uslužnih djelatnosti BiH

Obala Kulina Bana 1/2 71000 Sarajevo Bosna i Hercegovina

Tel: +387 33 210 931; Fax: +387 33 443 754; Website: www.stbih.ba

Saopštenje za javnost

PIJAČNI TRGOVCI U FBIH ŽELE BITI DIO SISTEMA

STBIH traži konačno rješenje statusa za više od 10 hiljada ljudi u FBIH

Sindikata radnika trgovine FBIH je danas u Sarajevu okupio predstavnike pijaca iz kantona Tuzla, iz ZE-DO kantona te kantona Sarajevo. Povod ovog sastanka su pojedinačne akcije inspeksijskih organa na pijacama u nekim od kantona te potreba da se status ovih ljudi i njihov rad konačno stavi kao prioritetno pitanje ne samo vlasti na federalnom nivou nego isto tako i na nivou kantona. Dogovorena je strategija djelovanja te prioritetni zahtjevi koji će biti upućeni svim ključnih akterima koji kroje sudbine ovih ljudi i njihovih familija.

STBIH će u što skorije vrijeme organizirati sastanak sa predstavnicima relevantnih ministarstava na nivou FBIH te na nivoima kantona kao i inspeksijskih organa kako bi dobio informacije o aktivnostima koje se preduzimaju u smislu iznalaženja rješenja za rad na pijacama u FBIH.

Pijačni trgovci u FBIH traže jednoobrazno rješenje za sve pijace i ne žele biti dio crne statistike o sivoj ekonomiji u BiH ali isto tako traže i razumjevanje i konstruktivnost i zakonodavnih i izvršnih vlasti za uvjete u kojima rade te u skladu s tim iznalaženje konačnog rješenja za njihov status koji bi im omogućio da konačno rade bez straha od progona i zatvaranja.

STBIH će sa svoje strane uložiti maksimum napora da u tom procesu budu pomoć i podrška te konstruktivan partner i akter.

Sarajevo, 15.12.2015.